



Wolof

Tànk-ndànk

Jéego 2

Téere 2

Édition 2018
Réimpression 2020



USAID

DU PEUPLE AMÉRICAIN

Avis de droit d'auteur : ©2016-2021 projet Sénégal Lecture Pour Tous pour l'Agence des États-Unis pour le développement international (USAID), contrat USAID n° AID-OAA-I-14-00055/AID-685-TO-16-00003, géré par Chemonics International. Tous droits réservés. Cette aide provient du peuple américain et est financée conjointement par l'USAID et le gouvernement du Sénégal.

Ce travail est disponible sous la licence Creative Commons Attribution 4.0 IGO licence (CC BY 4.0 IGO) <http://creativecommons.org/licenses/by/4.0/igo>. Sous cette licence, il est accordé le droit de copier, de distribuer, de diffuser et d'adapter ce travail y compris à des fins commerciales selon les conditions énoncées de la licence CC BY.

Li téere bi ëmb

Bés bi ñuy màggal garab	4
Njariñu garab	12
Meññeef yi	20
Toolu lujum	28
Aali ak ceebu jén bi	36

Bés bi ñuy màggal garab



Woote nañu waxtaan ca pénc ma.
Njiitu dëkk bi indi na
mbooloo mu takku.
Muy jigeen, di góor, ñépp ñëw nañu.




Direkteer, muse yi ak madam yi,
kenn desul.

Siis yi doy nañu, baas yi jot nañu.
Rajo yi yëgle nañu bés bi.



Xale yi indi nañu itam ay nataal.
Am na nataal yuy wone bekkoor.
Yeneen feeñal nit ñuy noppalu ci
taatu garab.




Gis nanu itam garab yu daanu
ak i médd.
Suuf si wow koŋŋ, naaj wi tàng jépp.



Digle nañu ne ku nekk na jëmbët garab.
Nanu toppatoo garab yi
bàyyi di leen dagg.
Nit ak garab a dëkk.



Dénkaane nañu jëmbët daqaar,
dànq ak déem.
Xamle nañu it ne sump dafa
bare njariñ.
Wax nañu ne toolu màngo dina indi alal.



Nanuy naan njambaanu bisaab,
buy ak ditax.

Nanuy lekk xaal, bare na ndox.
Na ku nekk jëmbat garab
ci buntu këram.



Ñépp bég nañu ci waxtaan wi.
Jigeen ñaa ngi yóbbaale njëmbët
yu wuute.
Góor ñiy jëkkante ak ñoom
ci tànn bi.

Njariñu garab



Ñaari xalee dem ci àll bu bare garab.

Ñu gis Siddeem ak Sump su ñor jale.

Xale ya for ca, def ci seen i poos.



Garabu dimb lañu dajeel.
Sargal ko, toog ci suufu
keppaar ga, noppalu.
Dimb ne : « Dinaa joxe mutt
ak yàppu Saalum. »



Xale ya dukk-dukki ba xiif,
seen New.

Nu nuyoo, New rotal pomi Kajoor
yu rey.

Xale ya lekk, ba suur, weelu, nelaw.



Ñu yeewu, gis Kàdd gu yor ay dég.
Dafay naatal dugub,
di dundal nit ak mala.



Xale ya geestu, gis Daqaar mu sëq.

Ñu nuyoo, Daqaar daggal leen
bénqal ju wex.

Mu ne : « Ndakaaru mooy sama
turandoo. »



Gone ya doxaat tuuti, gis Uul ne gicc.
Ñu nuyoo, garabu uul bég,
may leen uul.
Xale ya macc ko, seen coono
yaram naaw.




Ñu dégg Tol ak Màdd ñuy waxtaan.
Ñu nuyoo, ñu fay leen,
wittal leen i doom.
Màdd dafay safal gémmiñ,
Tol di tol-toli.




Xale yi jaaxle ci ni Guy yaatoo.
Xel yi xalaat xanaa kii mooy
buuru garab.
Guy ne : « Dinaa joxe buy,
laalo ak i buum. »

Meññeef yi




Meññeef yi daje nañu di wone
seen bopp.

Banaana ne : « Dama lunk ni weer
wi. Dama juddu wert, màgg puur. »




Pàppaayo ne : « Man rëy naa, bare
ñam.

Dama taaru, bare ferñeent. »
Màngo ne : « Ku ma ñam xam
sama neexaay. »



Pàmpalmuus ne : « Dama wërngëlu,
saf te forox. »

Limon ne ko : « Dijj nga waaye
maa la gën a forox. »
Ku ci nekk di cëpp-cëppi.



Buy, doomu Guy dox seen diggante.
Nee na leen : « Wone sa bopp
jarul xiiroo. »
Ku nekk ci ñoom dellu palaasam.



Daqaar ne : « Maay neexal ceebu jën. » Tol poñe ko ne : « Man mii lañu taamu. »

Màdd ne : « Man la xale yi di jëkkante. »



Uul ne : « Ku ma macc xam sama
cafka. »
Màdd tëb, bëgg koo dëkk.
Buy ne : « Ku fi xulooti ma dàq la. »



Ditax ne : « Xale bu xiibon na ma
seetsi.

Dinaa ko dolli kèttan ba
mu wér péñj. Su boobaa, dina dem
fowi ak moroomam yi. »




Dànq ne : « Dëgër naa waaye neex naa. »

Buy ne : « Dégluleen seen buur.
Man doñj lañu taamu ci laaxu cosaan. »

Toolu lujum




Ab tool la woon, am gàncax yu bare.
Ku nekk ci ñoom, bëgg ñu xam la.
Kàンja ne : « Ku may lekk doo
seere. »




Suppome ak tegleem ne : « Maay
xaritu ceeb.


Dañu may woowe yàppu Caaroy. »
Karoot ne : « Ku may lekk gis bu
baax. »



Batañse dott-dotti ne : « Man
dama rafet. Xoolleen ma man, ni
may nes-nese. »
Jaxatu tàccu, regaju, ne : « Man
gënuloo maa rafet. »




Naajo yékkati xobam ne : « Fii ñépp
a rafet. »
Tamaate di seetu,
ne : « Man de dama xonq. »



Kaani salaat sëgg, tisooli, gunoor
yépp naaw.


Yomb ne : « Dëggit, li Naajo wax,
dëgg la. Sunu tool bi amul Iujum
bu ñaaw. »



Yamb ganesi bisaab bu xonq
ak bu weex.

Ñu ubbi seen i tóor-tóor,
may ko pëndëx.

Bisaabu xob biy uppu ne : « Maay
nekk bëgëj. »



Pombiteer ne : « Man duma
Pataas. »
Pataas ne : « Moo ! Man itam,
duma Pombiteer. »



Kaani ne : « Gis ngeen, man mii
dama wex. »

Boroom tool bi duy ñaari rosuwaali
ndox. Ñëw na roose leen,
ñu naan, sangu.

Gàncax yi di woy, fo ak a ree.

Aali ak ceebu jën bi



Aali Dogo dafa tukki woon lu yàgg.
Moom, ku bëgg ceebu jën la.



Aali ñibbisi na, ñëw kër maamam.
Indil na maamam ay dàll sérica.
May na ko itam benn caqu peme.



Aali fekk Maam Sanu ci waañ wi.
Maam Sanu ne : « Aali na ñëw
ëllëg añsi. »



Aali bég, raay biiram di xalaat ceeb bi.
Maam Sanu ku mën a togg la.
Ca ëllëg sa, Aali fekk maamam
muy rëgël.



Maam Sanu nar na togg añ bu neex.
Ci suba, la Maam Sanu
dem märse duggi.
Fàttewul dara.



Jënd na jën, gejj, tamaate ak yéet.
Fàttewul itam luju yi,
daqaar ak ceeb.
Maam Sanu mag la,
waaye dafa sawar.



Juroom-benn fukki at la am,
di liggeey.
Foo ko fekk, mu ngi def dara.



Aali mu ngi lekk ceeb bi
maamam togg.
Bi mu lekkeeb ba suur, wax
jar-aw-lakk. Aali ne : « Nëbbal ceeb
ci sama waliis. »

